



Lucy

884



2011



№ 1152 19

215.

113.

№ 884.

ԱՂՕԹՔ

ԱԲԵՂԱՅԻ

1824
38

4.

22 11 2011
11 11
11 11
11 11
11 11



~~4851~~
~~38~~

~~(20204.60)~~

From accounting ← (25731.60)

884 - 2011
н.д. 880

ԱՂՕԹՔԱԲԵՂԱՅԻ

Ըսկ

№ 1152. յ

884

ՅԻՇԱՏԱԿ 884

Հ. ՍԱՀԱԿԱՅ ՀԷՔԻՄԵԱՆ

ՄԻԻԹԱՐԵԱՆ ՄԻԱՆՁԻՆ

ԵՍԱԿԱԲԱՐ ԽԱՄՐԵՑԵԼՈՅ



1876

1870


1870

1870

1870

1870

1870



1870

ԱՂՕԹՒՔ

Ա Բ Ե Ղ Ա Յ Ի

Աստուած իմ, Աստուած իմ,
օրհնեմ զքեզ, որ 'ի յաւիտենից
ուենելիր զիս 'ի մտի քում, և ստեղ
ծեր զիս 'ի ժամանակի առ 'ի քէն
սահմանելոյ: Երկիր պագանեմ
քեզ, Տէր իմ Տէր, որում երկինք
և երկիր ոչ են բաւական, և հա
ճեցար բովանդակիլ յիմաստ մի
մտացս, թարգմանիլ 'ի բարբառ
մի բերանոցս: Գոհանամ զքէն, Ա
րարիչ իմ, Խնամիչ իմ, և Փրկիչ
իմ, սկիզբն իմ անժամանակ, և

Կատարած իմ անվախճան • Կեանք
 կենաց իմոյ և հոգի հոգւոյ իմոյ :
 Աստուած իմ ամենայն , և ամենայն
 իմ Աստուած միայն : Չքէն դոհա-
 ցայց , զքեզ օրհնեցից , և զքեզ սի-
 րեցից մինչև եմս , և եղէց քեւ , որ
 էիրդ և ես և իցես յաւիտեան :

Բարութիւն անսահմանելի , դո-
 հանամ զքէն • որ լցեր և ընուս զիս
 յառատութենէ բնութեան քո ,
 յառաջնմէ պահէ էութեանս իմոյ
 մինչև ցայժմ • և ոչ թողցես իսպառ
 զանձն իմ՝ յոր զքո իսկ զկենդա-
 նագիր նշմարես • որ հայիս ողոր-
 մութեամբ և հաճիս 'ի գործս կա-
 մաց քոց , և պահես յաննիագ լիու-
 թեան քում՝ 'ի ժամանակի և 'ի
 յաւիտեանս : Քոհանամ զամենայն
 և միոյ միոյ տրիցդ և պարգևաց՝ որ
 ըստ հոգւոյ և ըստ մարմնոյ և ըստ
 մտաց • և զքոյս զառ 'ի վերուստ

Իջուցեալս յիս՝ առ քեզ վերառա-
 քեմ, տուխչդ և ընդունիչ բնաւից,
 իցիւ թէ անթերի և անտխեղծ՝ որ-
 պէս ետուրդ ինձ:

Քոյութիւն անճառելի, հաւա-
 տամ՝ ի քեզ, որպէս հաւատացին
 որք՝ ի սկզբանէ հարբն՝ և սիրեցին
 զքեզ. որպէս դաւանի սուրբ և ա-
 ռաքելահան եկեղեցի կաթուղիկէ,
 Ժողովարան ընտրելոց և շտեմա-
 րան ճշմարտութեան՝ աղբիւրա-
 ցելոյ՝ ի Բանէդ կենդանւոյ. որ եկն
 և յայտնեցաւ աշխարհի, և ի խա-
 ւարի մուրրութեան և անդիտու-
 թեան՝ վառեաց և եթող լոյս ան-
 շիջանելի, մինչև ի կատարած այսր
 յաւիտենի: Սոստովանիմ զոր դու-
 ծանուցեր, և զոր առ ի քէն ընտ-
 րեալքն քարոզք բանիդ ճշմար-
 տութեան՝ աւանդեցին յեկեղեցիս
 ուղղափառաց, և յայամ և ի սոյն

հաւատս փափագեմ կեալ և մե-
ռանել, և սովին ժամանել 'ի ստու-
գութիւնդ անստուեր:

Պառուն տաճարին յաւիտենակա-
նի, արահետ շաւղաց ուղղու-
թեան, և գիւտ անկորուստ կե-
նաց. լոյս երկրագնաց օտից, և
հովանի գլխոյ իմոյ, տէր Յիսուս,
միածին որդի միայնոյ Աստուծոյ,
ամենեւին հաւասար ծնողիդ. որ
առ 'ի գիւտ զարտուղեւոյս յերկ-
նաչու հետոցն և յերանական կա-
յանից՝ խոնարհեցար մտեր 'ի
մարդկայինս բնութիւն. և իմոյին
կերպիւ նուաստութեան զիս վե-
րաստացար. հաւատամ, ընգու-
նիմ, օրհնեմ և սիրեմ զհրաշալի
անօրէնութիւնս քո. և նոքօք ակն
ունիմ հասանել 'ի պատրաստեան
'ի սկզբանէ յաւիտենից յարքա-
յութիւն քո անուշակ:

Երկրպագեմք քեզ, իմաստու-
 թիւն և սէր յաւիտենական. որ
 զանկիր և զանհաղորդ բնութիւն
 աստուածութեանդ խառնեցեր
 անշիտթ և անաղտ ընդ ախտակիր
 բնութեանս մերոյ, առ ՚ի բառնալ
 զամենայն կիրս սորա. ամենեինդ
 երանութիւն, յանձն առեր զվիշտ
 և զցաւ, զչարչարանս և զմահ, և
 զմահ խաչի. և զնոյն զխաչ ետուր
 մեզ ՚ի զէն յաղթութեան ընդդէմ
 հակառակամարտին մերոյ մեղսա-
 սէր ոսոխի, և յապաւէն յուսոյ
 դիւրագայթ և տկարացեալ բնու-
 թեանս մերոյ: Անկեալ առ ոտս
 դորին սրբոյ նշանի՝ աղաղակեմ
 յամենայն զօրութենէ սրտի. Աե-
 ցո, Տէր, և պահեա զիս ընդ հո-
 վանեալ աստուածանիշ դրօշուդ:
 Խաչ քո, ո՛ Յիսուս, եղիցի ինձ զ-
 ժանդակ անթողի:

Զօրութիւն ամենակալ և ամե-
 նակեցոյց, զօրացո զլուծութիւն
 բնութեանս իմոյ հետևելանխոտոր
 ընդ շաւիղ՝ զոր ցուցեր ինձ երկ-
 նահրաւէր աւետարանաւդ. տուր
 ինձ արիանալ հոգւով, և կատա-
 րել զպարան ինձ և պատշաճ: Մի
 թողուր ինձ աղարտել զոր յիսն է
 քո շունչ և պատկեր տիրական. այլ
 յաղթող լինել ինքնաբոյժ շարժ-
 մանց անբանականի մասինս, և
 նկրտել ՚ի նմանութիւն աստուա-
 ծայրականիդ Յիսուսի. առնուլ
 յանձն զամենայն վիշտ կենցաղա-
 կան. բառնալ սիրով զբեռն փո-
 քրոզի և զլուծն քաղցուենի՝ զոր
 եղեր և թեթևացուցեր հետևողաց
 քոց, տէր Յիսուս:

Իութիւն եօթնարփեան, բլղ-
 խումն և զուգակից ամենաբեր ծո-

ցոյն և Մոցածնին, Հոգի Աստու-
 ծոյ. որ ածեր զանգոյս 'ի գոյ, և
 Հնորհօք քո ընուս և պահես զա-
 մենայն արարածս. որ լուսաւորես
 զմիտս բանաւորս, և սրտացուցա-
 նես զոգիս իմանալիս, լուսաւո-
 րես, վառես, կենդանացո և զիմ-
 սիրս և հոգի. զի մի ստուերա-
 կերպ մարմնոյս թանձրութիւն՝
 ծածկեալ աղօտացուսցէ զկնիք
 սկզբնաստիպ պատկերիդ որ յիս:
 Լցո զիս եռանդեամբ կենդանա-
 րար հրոյդ, զի շարժեցայց միշտ
 յարժանն. հերքեսցին յինէն խոր-
 հուրդք խաւարայինք, և եղէց որ-
 դի և ժառանգ լուսոյդ յաւիտե-
 նականի:

Ընկալ հաճութեամբ, Տէր բա-
 րերար, որպէս զքոյս 'ի քոյոց՝ զոր
 ինչ միանգամ 'ի մասնէ բարեաց
 աեսցէ յանձն իմ ամենառատ աղն

ողորմութեան քո : Քեզ նուիրեմ
 զհոգի, զմիտս և զմարմին, զամենայն
 զօրութիւնս իմ : քո իսկ եմ բոլո-
 րովին, և փափագեմ կալ և մնալ
 քեզ և 'ի քեզ իսպառ : Որ ինչ ան-
 բարի յիս և ատելի աչաց քոց՝
 հերքեա հեռացո ջնջեա և բարձ 'ի
 միջոյ : Սրբեա զիս քրտամբ և ա-
 րեամբ Միածնիդ • լոյծ, մերկեա
 յինէն զտխրականս հանդերձ մե-
 ղաց և անդիտութեան • և քաւչա-
 րար աւազանաւ ասլաշխարու-
 թեան վերստին մաքրեա զանկեալն
 յոգիս աստուածավայելուչ սլաա-
 մուճան քումդ որդեգրութեան :

Թագաւոր երկնի և երկրի, ստա-
 ցիր զիս քեզ արբանեակ և սլաշտօ-
 նեայ 'ի յաւիտեանս • կալ ինձ 'ի
 սպասու 'ի տաճարի քում փա-
 ռաց, ընդ ընտրեալսն քո 'ի սկըզ-
 բանէ, ընդ հոյլս հրեշտակաց, ընդ

Երամս անմեղ մանկանցն, և ընդ
 դասս ամենայն առաքինեաց, որք
 արեամբ և զղջամբ ճանապարհ
 հորդեալ ընդ վշտաշատ և բազմ-
 որոգայթ շաւիղ կենցաղոյս, հասին
 ողջամբ հոգւով՝ ի հանգիստն պատ-
 րաստեալ. և այժմ երանաւէտեալք
 վայելեն զսէր քո անձառ, զառիժ
 և զվախճան յամերամբ բարեացն,
 որ ՚ի վեր են քան զամենայն միտս:

Ժամանակաց իշխան և կիտա-
 դիր, դու գիտես զթիւ և զկատա-
 րած աւուրց կենաց իմոց. առաջի
 քո թուեալ է ամենայն շունչ հա-
 գագի իմոյ. մի լիցի ինձ քննել
 զսահման ելից իմոց, և մի փափա-
 քել զընդերկարութիւն սնոտի կեն-
 ցաղոյս. այլ քեզ նուիրեալ լիցի ի-
 մովսանն սկիզբն և կատարած և
 մէջ ժամանակի վասն իմ առ ՚ի քէն
 չափելոյ, ամենայն ըոսկէիւք և մա-

սամբք, բոլոր կեանս իմ: Տուր ինձ,
 Տէր, վարել միշտ յօգուտ և 'ի
 վերկուծիւն զհամառօտս զայս.
 Ղքեղ միշտ ունելով 'ի մտի՝ յարթ-
 նութեան, և զյիշատակ քո կնիք
 'ի վերայ սրտիս՝ յանդորրութեան
 քնոյ:

Իմաստութիւն անճառելի, որ
 նկարեցեր յիս զկերպարանս քո՝
 լուսով բանի և մտաց, տուր ինձ
 յամենայն սրտէ կրթիլ և սերտիլ
 յանդուգականդ նմանութիւն. ըզ-
 հետ ընթանալ գիտութեան բա-
 րւոյ և խորշել 'ի չարէն. հան 'ի
 բաց 'ի մտաց իմոց զհետազօտու-
 թիւն, և 'ի սրտէ՝ զցանկութիւն
 գիտութեան անցաւորի՝ որ ոչ իցէ
 յօգուտ, այլ 'ի զբաղանս ընդու-
 նայնութեան և 'ի մոռացօնս կա-
 րևորացն և սխտանեաց. և տնկեա
 յիս զտենչ գիտութեան երկնիցն

դադանեաց, զոր միայն սիրողին
 զքեզ նկատէ ակն հրաշագէտ:
 Տուր ինձ զքեզ ճանաչել, զքեզ
 ինդրել, զքեւ յածիլ, քեւ զմայ-
 լիլ, քեւ լիանալ:

Լոյս իսկական, որ յառաջ քան
 զամենայն յաւիտեանս նկատեալ
 տեսանէիր և տեսանես զամենայն
 յամենայն ժամ. դու գիտես ըզ-
 պէտս իմ և զօգուտ. տուր և ինձ
 յամենայն ժամ զայն և եթ խընդ-
 րել՝ զոր յիսն հաճիս կատարել.
 զօրացո զմիտս իմ և զկամս՝ անսայ-
 թաք և անսասան յուսով երթալ
 զճանապարհ՝ յոր կամք քո ուղ-
 զեսցեն. առնուլ յօժարութեամբ
 յանձն զգիւր և զգժուար, զոր
 և սպարաստես ինձ. կալ՝ ուր և
 կացուսցես, կրել զոր և առաքի-
 ցես. տուր և բարձ որպէս և ա-
 խորժես: Եղիցին կամք քո որպէս
 յերկինս՝ և յիս:

Խորհուրդ անհասանելի եղակա-
 նաց, որ հաճեցար անճառից իրա-
 գործութեանց հաղորդս և պաշ-
 տօնեայս կարգել 'ի հողեղինաց. և
 զիմ' իսկ անարժանութիւնս կոչե-
 ցեր 'ի կատարողութիւնս սրբազա-
 նից նուիրաց, սրբեա զմիտս իմ' և
 զգայարանս, յուսուել քան զսե-
 ղաննս յոր մատչիս հանապազօր
 պատարագ անմահութեան, սա-
 տարութեամբ մահահոտամատանց.
 զի շօշափեցից անշաղախ և անկէզ
 զհուրդ ամենածախ. քաւեցայց և
 քաւեցից քոյինագործ զենամաբ'
 զիմս և զամենայն աշխարհի մե-
 ղանս. լցից անդատապարտ զմեծս
 զայս սպասաւորութիւն. և կացից
 անամօթ' ընդ ընտրեալսն քո ա-
 ջեայս յաւուրնս յայտնութեան:

Ծով անծայրածաւալ բարեաց:

որ անցանե՛ն ընդ միտս և ընդ կար-
 ծիս, անձառահրաշ խորհուրդ կե-
 նաց, աստուածախումբ հաղոր-
 դութիւն, երկրպագելի Մարմին և
 Արիւն Տեառն իմոյ Յիսուսի. տուր
 ինձ տենչալ հանապաղ ամենաքաղ-
 ցըր ճաշակացդ. սրբիլ սիրով յան-
 դատապարտ ընդունելութիւն մե-
 ծագունիդ այդմ պարգևաց. փա-
 րիլ իմովս փոքրկութեամբ զքո
 անբաւ մեծութեամբ. խառնիլ
 միանալ անանջրպետ ընդ քեզ
 այժմ և 'ի մահուս և յանապառ-
 յաւիտեանսն: Յիսուս, ծանո ինձ
 զքաղցրութիւն քո մեծ, զծած-
 կեալն յայսմ խորհրդեան սիրոյ քո
 և ցաւոյ, մի քան զմի հրաշալեաց,
 և շնորհեա ինձ վայելել և զմայելել
 'ի նոսին:

Կոչնակ կենաց մշտնջենաւորաց,
 որ վաղեալ յանմատոյց աթոռոցդ.

ԲՅԵԻ
 1581

884-2011

2

ՀԱՅԿԱՍՏԱՆԻ ԳՐԱԴԱՐԱՆ

Թափեցար յերկիր 'ի գիւտ վարա-
տելոցն յերկնագումար գաւթէդ,
և հրաւիրեցեր զսիրելիս քո 'ի գե-
րակայիցն օթեվանս, հետևողու-
թեամբ նեղ և նուրբ ճանապար-
հիդ. կա՛լ զաջոյ իմէ, և մի թողուր
ինձ գեգւել 'ի շաւիղս ուղղու-
թեան՝ յոր ընտրեցի երթալ խաչ
քնդ ուս. այլ կատարել գօտէսինդ
զկրօնաւորութեան իմոյ ընթացս.
հանապաղօր ճէնձերմամբ 'ի սե-
ղանի ուխտիցն՝ զոր եդի քեզ ա-
ռաջի սրբոց քոց:

Հովիւ բարի, որ հովուես հե-
տևողացդ 'ի վայրի գալարւոջ և
առ ջուրս հանգստեան, յանդոր-
րու սրտի և յուրախութեան մը-
տաց. բայց զականջս հոգւոյ իմոյ
'ի հանապաղօրդ լսելութիւնս առ-
տուածայնոց քոց կամաց, և քաղ-
ցրացո զսպտօգամս քո 'ի շրթունս

իմ. որ հնազանդելով Հօրդ կամաց
 իջեր յերկնից՝ ի յերկիր, և ամենե-
 ցուն տէրդ սպասաւորեցեր մարդ-
 կան ռամկաց. տուր ինձ որպէս
 դառն հլուաբար երթալ և փու-
 թալ անխաիր յառ ՚ի քէն հրա-
 մայեալն, ընթադրելով միշտ զկա-
 մրս անձին առ ոտս խաչիդ. և զայն
 միայն վերասպատուելով կամս՝ յոր
 կամք քո ճանաչիցին:

Չայն սխրալի երկնակառոյցուն
 կան, սկիզբն երանութեանց կար-
 դացեալ յիմոյն Յիսուսէ, Աղքա-
 տութիւն հոգւով, ամենունակ ան-
 ընչութիւն. մերկացո զիղձս իմ
 յամենայն նիւթոյ և յիրէ աշխար-
 հականէ, ՚ի զգալոյ և յիմանալոյ.
 և ստացիր զիս թափուր յերկրա-
 ւորաց, զի երկնաւորացն եղէց վեր-
 ընդունակ. մի և փոքու իմիք նե-
 րեսցես կռուիլ ՚ի սիրտ՝ որ տեառն

իւրոյ նուիրեալ է բոլորովին , և ուրում Աստուած միայն է բաժին : Այո , Աստուած իմ և ամենայն ինչ . Աստուած իմ միայն բաւական առ ամենայն : Եւ ինչ որ ոչ է աստուածային , ինչ՝ զոր ոչ կարասցէ հոգի բառնալ տանել ընդ իւր յատեացս , 'ի բաց կացցէ 'ի նմանէ :

Ղեկավար զգուշահայեաց՝ ընդ զրահեղեղ և անդնդասոյզ ալիս նողտկալի կենցաղոյս , սրովբէասարաս սրբութիւն սրտի , մաքրութիւն մարմնոյ , ողջախոհութիւն իմացուածոց , պարկէշտութիւն զգայարանաց , չափաւորութիւն կարեւորաց • սրտոպեալ անդեա զզօրութիւն բնութեան իմոյ՝ յամենայն վերամարտ բնութեանց մեղկաղէտ և աղտեղի կրից • մի տալ թոյլ հօգւոյ՝ որում երկինք են պատրաստեալ սրակապան , և մար-

մնոյ՝ որ Մարմնոյ քուժ հաղոր-
դի, տէր Յիսուս, գալ ընդ գար-
շուժիւն տղմաշաղախ և ՚ի բե-
րումն անբանական. այլ սթա-
փեցո զսիրտ իմ՝ ընդ հարսնա-
ցելոցն քեզ հոգւով արթնասպա-
կուսանաց, անաղտ սլատմուճա-
նաւ և անաղօտ լասլտերաւ ակն
ունել մտից տարփալի առադաս-
տի փեսայիդ երկնաւորի:

Ղշմարտութիւն մշտնջենաւոր,
որ էիր և եսդ միայն ճանապարհ
փրկութեան ամենեցուն՝ որոց ե-
տուր իմաստ իմանալոյ զքեզ. սըր-
բեա զաչս մտաց իմոց յամենայն
աղտից կրից և նիւթոց. զի ծա-
նեայց և սիրեցից և կրթեցայց
միշտ ՚ի բարին իսկագոյն. ամենայն
ուրեք, յամենայն դէպս, յամենայն
ժամանակի քննեցից գաից զշա-
ւիղ զգուշաւոր՝ զոր բացեր յեր-

կրի, և երթայց զհետ քո անխոտոր
 և անխոժոռ ընդ դիւր և ընդ դը-
 ժուար. բայց միայն փափագելով
 նմանել քեզ սիրով լաւութեանց,
 որովք միայն մարթ իցէ ժառան-
 գել զկեանսն յաւիտենականս:

Մարիամ, մայր Աստուծոյ և
 մարդկան, թագուհի երկնից և եր-
 կրի, վերականգնումն աշխարհի.
 միակ կէտ ամենագիւտ 'ի համայ-
 նաջինջ կորստեան. միայնդ կատա-
 րեալ 'ի համօրէն եղականքս, մի-
 այնդ ամենեին մաքրութեամբ գեր-
 քան զմահացուս և զանմահս. յա-
 ուաջագէմ բնաւից, և գերագոյն
 յետ Էին գերագունի. յիշեա որ-
 պէս մայր խանդակաթ՝ և զիս զոր-
 դէգիրս քո յետնեալ, զաւան-
 դեալս քեզ 'ի Յիսուսէ քումմէ՝ կը-
 տակաւ խաչին, և զնուիրեալս
 կամաւոր ուխտիւք: Ո՛ր, որ զբար-

ձողն ամենայնի բարձեր, ո՛ր, որ ամենափրկչին եղեր օժանդակ՝ ի փրկութեան տիեզերաց, միջնորդեա փրկել զիս նովին ՚ի մեղաց և ՚ի յաւերժ կորստենէ: Հովանի քո մայրական և աջ քո աստուածակիր՝ եղիցին հանապազ ՚ի վերայ իմ, ո՛վ Ամենասրբուհէ:

Յիսո՛ւս, Յիսուս. յոյս և ապաւելն ամենայն հոգւոյ. ծայր և ծըրար էութեան իմոյ, Յիսուս. նախաշաւիղ կարճառօտ կենացս, և կէտ հանդերձելոյ յաւիտենին. քաղցրութիւն անձառ, տենչալի զուարթնոց և ամենայն ընտրելոց: Տուր ինձ ճաշակել աստտին կաթիլս յուղից փափկութեան քո, և քաղցրացուցանել զգառնութիւն բարուցս: Լսելի արա ինձ զձայն քո ցանկալի. մարդեա զիս հանապազ ՚ի քաղցրալուր հրա-

մանս քո, եթէ Ուսարուք յինէն
 զի հեղ եմ և խոնարհ սրտիւ: Ու
 սո ինձ ինքնին, տէր Յիսուս, զհո-
 գեկեցոյց զայդ գիտութիւն, ու
 բուժ չեք փոխանակ 'ի վերայ եր-
 կրի. զի գտից զհանդիստ հոգւոյ
 իմոյ, հանգուցից և զայլս ցածուն
 բանիւք. մի զոք խռովեցից և մի
 յուժեքէ խռովեցայց:

Նեղելոց անդորրիչ, քաղցրաբեր
 լծադիր և օժանդակ բարձման բե-
 ուին փոքրոգւոյ, զոր իբրև շալակ
 շուշանեայ գնես յուս քոյոց միա-
 մտութեամբ հեռուողաց. զօրացո
 զկամս իմ մեղմէիս՝ բառնալ յօժա-
 բութեամբ և տանել զուարթու-
 թեամբ զոր և շնորհես վիշտ և վը-
 տանդ կենցաղական: Յորդորեա ըզ-
 հեղգութիւն կամացս, արիացո զվը-
 հատութիւն բնութեանս, ընդու-
 նել անդանդէտ զգթուարահամ:

բոյրն, և տանել անտրառունջ զտագ-
 նապէցուցիչն: Հայելի հանապա-
 զատես՝ լիցին ինձ գլուխ քո փշա-
 ղգած, և ձեռք և ոտք բեւեռեալք՝ ի
 փայտն մահու. զի տարայց եւ ես
 յօժարութեամբ զիմ խաչ փո-
 քրիկ. արբից և ես զիմ բաժակ
 լեղախառն. և համբերութեամբ
 ստացայց զոգի իմ, ըստ անվրէս
 քումդ թելագորութեան:

Եաւիղ շնորհաշուք, վերբերիչ
 անկեղոյ բնութեանս՝ ՚ի սահմա-
 նեալն ՚ի սկզբանէ լուսաձեմ կա-
 յանս. ձեռնտու և օժանդակ տը-
 կարաց և տղայոց, դաստիարակ մա-
 տաղ հասակի. որ ասացեր, Թոյլ
 տուք մանկաւոյդ դալ առ իս, ուստ
 և ինձ՝ զհաւատացեալն յիս հօտ
 փոքրիկանց առաջնորդել առ քեզ
 զգուշութեամբ, անտխեղձ բար-
 դաւաձելով զսերմանեալն առ ՚ի

քէն 'ի նոսին շնորհաց բողբոջ՝
մարզել զմիտս նոցին և զսիրտ յե-
ռանդն և 'ի գիւտ ճշմարտի և բար-
ւոյ, յորդորընթաց կրթանօք 'ի
կատարելութիւն կենաց:

Ո՛վ որ սուրբդ ես և ամենա-
սուրբ, և 'ի սուրբս հանգուցեալ-
որ զհողեղէնն զանգուած սիրով
հրեղէն յարդարես, և զմատնեալն
մահու՝ զուարթնոց վերնոց զու-
գադասես. տուր, Տէր, իմաստ և
տենչանս սրբութեան՝ կապելոցս: Է
կազմելոց կաւեղէն հեթեթանօք.
պահեա զսլանդխտեալքս 'ի տըղ-
մուտ և 'ի փշուտ հովտիս՝ անա-
րատս 'ի հողի և 'ի մարմին, տա-
ճարացուցանելով հողւոյ քում
կենարարի: Հեռացոյորդւոց մար-
դկանէ զբանսարկուին մենքենայս.
Թուլացո զհրապոյրս ախտից. կըր-
թեա զկամս 'ի կցորդութիւն քո-

յոց կամաց • բարձրացո զստորան-
կեալ սիրտս՝ ընդ խողովակ գեղար-
դնախոց կողիդ առ սիրտ քո սի-
րածաւալ, ըմպել և արբենալ 'ի
Զսոյդ անմահութեան:

Չարեաց ատեցող, արարիչ և
պարգևիչ բարեաց, լցո 'ի բարու-
թենէ քումէ զարարածս ամենայն •
հերքեա և հեռացս 'ի ստեղծուա-
ծոց քոց զազդումն հակառակոր-
դին • լցցի աշխարհ համօրէն կամօք
քաղցրութեան քո, որպէս լի են
երկինք և երկիր փառօք քո: Պար-
գևեա երկրի զոր յերկնիցն բերեր
խաղաղութիւն, և մարգկան՝ զա-
ւետարանեալն յեկաւորութեան
քում զառ միմեանս հաճութիւն:
Ընդարձակեա, Տէր Քրիստոս, ըզ-
գաւիթ եկեղեցւոյ քո, և ժողովեա
'ի նոյն զոր ստացար միանգամ ա-
րեամբ քով կենարարաւ: Դարձո

զմուլորեալս 'ի գիտութիւն ճշմարտութեան : Տուր զօրութիւն տկարաց ըստ հոգւոյ և ըստ մարմնոյ : Մխիթարիչդ ամենայնի, մխիթարեա զտրտմեալս և զվշտակիրս : Լցո զպէտս կարօտելոց ըստ պէս պէս կարեաց և ըստ իւրաքանչիւր օգտի :

Պարգևատու ամենառատ, պարգևեա ընդ իմ յաննիազ շնորհացդ՝ այնոցիկ, որոց առաւելս եմ պարտական շնորհս և երախտիս, ըստ առ 'ի նոցանէ առ իսն հասելոց պէս պէս երախտեաց, ծնողաց իմոց և դաստիարակաց ըստ մարմնոյ և ըստ հոգւոյ, և որք վասն իմ յանձն առին աշխատութիւն և նեղութիւն, որք սպաս ինչ երբեք հարին ինձ, և որք զյետինն հարցեն սպաս՝ 'ի ժամանակի ելիցն իմոց 'ի կենցաղոյս, և որք յետ աս

տեացս՝ յիշեացենն և աղօթեացենն ՚ի
 հանգիստ հողացելոյս մարմնով և
 հրաժարելոյս հոգւով: Այլ և չա-
 րախօսաց իմոց և ատելեաց՝ եթէ
 գտցինն, ներեա և հատո անոխա-
 կալուժեամբ:

Չնշան չարեաց, մաքրուժիւն
 աշխարհի, Քրիստոս Յիսուս, որ
 եկիր բառնալ զգայթակղուժիւն
 յարարածոց քոց, բարձ և Չնշեա
 յուշոյ և ՚ի մտաց, ՚ի բարուց և ՚ի
 սրտից զամենայն գայթակղուժիւն
 զոր թէ գործով կամ բանիւ կամ
 գրով, գիտուժեամբ կամ անգի-
 տուժեամբ՝ ետու մեծի կամ փո-
 քու. մի զոք դատասպարտեր վասն
 իմոց սխալանաց և չարուժեան.
 այլ լեր նոցին ներող և ինձ քաւիչ:
 Թող և անգիտուժեան և յանցման
 նոցին՝ որք հասուցին ինչ ինձ գայ-
 թակղուժիւն կամ փնաս: Դարձո

Իսպառ զաչս իմ՝ ի չարէ, և զսիրտ
յատեւոլթենէ, և բւեռեա յեր-
կիւղ քո և ի սէր՝ անմեկնելի զօ-
ղիւք:

Ռահ անմոլար և անկորուստ ի
կեանս և ի մահու. որ ի գիւտ
վարատելոցս և տարագրելոց յե-
թանաւէտ կայանիցն՝ յանձն առեր
զչարչարանս և զմահ դառնակրս-
կիծ, որպէս զի քաղցրացուցես
մեզ զարբումս անհրաժարելի բա-
ժակին՝ որ սլատրաստեալն է ամե-
նայն հողածնի. գիւրեա, աղբիւր
գթութեանց, զտագնասլ օրհասի
ստեղծուածոց ձեռին քո. և յի-
շեա, զի քո սրտիւր է՝ զոր եղծա-
նէ մահ. անցո ընդ ահագին ան-
գունդս անծանօթին՝ նրբաշաւիղ
յուսոյն կամբրջաւ՝ յաշխարհ կեն-
դանեաց, ուր ոչ ևս մերձեացի ա-
սրականութիւն: Մաքրեա մեղսա-

քաւիչ պատարագիդ հանապազոր
դուժեամբ՝ և զբիծս հոգեացն ար-
գելահանաց՝ ի քաւուժեանն բան-
տի . համառօտեա զհարկս հատուց-
մանն , և ճեպեցո առ քեզ՝ զորս
վասն քո ստեղծեր , Տէր ոգեսէր :

Սէր անսկիզբն և անվախճան ,
միայն իսկուժիւն և ճշմարտու-
ժիւն . երանուժիւն ամենալիր ,
կատարումն էուժեան իմոյ , կա-
մակ կարօտուժեան սրտիս . Աս-
տուած իմ և ամենայն ինչ . բորբո-
քեա զանձն իմ հրովդ զոր եկիր ար-
կանել յերկիրս յայս . վերուղղեա
զզգայունս իմ և զիղձս առ քեզ՝
առ հաստիչդ իմ . դարձո զհոսանս
հոգւոյս յաղբիւրն սկզբնաբուղիս ,
յորմէ ել և յոր վերադարձցի ա-
մենայն բարի բանական : Տէր , քո
իսկ էի , քո եմ ես և եղէց քո բո-
լորովիմբ : Ամենայն զօրուժիւնք և

ամենայն կիրք որք ներգործեն և
 ներգործեացեն յիս՝ առ քեզ վեր-
 բերցին: Յառաջեացէ, Տէր, Հոգիս
 իմ հանապազ, ՚ի ժամագրութիւնն
 ցանկալի հասցէ, Յիսուս, և Հոգիս
 այս՝ քեւ և առ քեզ, և առ Հայր
 քո և Հոգիդ սուրբ:

Վասն սիրոյ քո յաւիտենակա-
 նի, վասն սիրոյ Մօր քո Կուսի, և
 ամենայն ընտրելոց քոց, աղաչեմ
 և խնդրեմ ՚ի քէն, Տէր Յիսուս,
 թող ինձ զպարտս իմ. թող ողոր-
 մութեամբ և անյիշաչարութեամբ,
 քանզի կարեմ ամենակալդ, և կա-
 միս՝ ամենագթածդ: Աստուած,
 քաւեա զիս զմեղաւորս: Աստուած
 իմ, դու միայն ես բաւական ՚ի քա-
 ւել զմեղս իմ, թէպէտ և առաւել
 իցեն քան զթիւ աւուրց կենաց ի-
 մոց: Ես ինձէն մեղայ և անկայ, ա-
 սանց քո ոչ կարեմ կանգնել, և ոչ

միով իւրիք բարեաւ՝ առնել փոխա-
րէնս չարեաց իմոց • զի չիք յիս և
ոչ մի բարի , բայց միայն յոյս ողոր-
մութեան քո , որ և այդ քո է
չնորհ • Աստուած իմ , պահեա ինձ
և 'ի կատար հասո զչնորհս զայս :

Տառապեալ բնութեանս անդոր-
րացուցիչ օժանդակ , Տէր Յիսուս •
տես 'ի տարակուսանս յանցաւո-
րիս , և յիշեա զգութս քո անբաւ ,
որով անհասանելիդ 'ի հրեշտա-
կաց՝ հողեղէն եղեր , և 'ի հողեղի-
նաց անարգեցար : Յիշեա , Յիսուս ,
զչարչարանս քո և զմահ • յիշեա
զխանձարուրս տղայութեանդ և
զվարչամակն գերեզմանիդ , և ո-
ղորմեա բաղմամեղիս • որ միայն
չքմեղս ինձ գիտեմ զխոստովանու-
թիւն մեղանացս , և ևս առաւել
զքո անհասանելի մարդասիրու-
թիւնդ : Յիսուս , փրկիչ ամենայն

աշխարհի, և իմ մենոյս մենակ Յիսուս, մի զիս անտես առներ երբէք զի գործ եմ մարդաշահ ձեռացդ, և գին ամենաշնորհ արեան քո, Յիսուս:

Բոպէհասամար ժամանակ կենաց իմոց ահա համառօտեալ ՚ի վախճան անդր փութայ. և ահա մերձենաց սրահակ մահուն վարել զիս յաշխարհ անծանօթ և աննման աշխարհիս այսմիկ. աշխարհ՝ առ որ տանի ամենայն ճանապարհ, և ոչ մի ճանապարհ ոչ դարձուցանէ. աշխարհ՝ յորոյ ՚ի մուտս սպառին ամենայն սփոփանք, ամենայն յոյս, ամենայն ընդունայնութիւն կենցաղոյս, և յաջորդեն իրք և կիրք ահեղք և ծանուկք, և դողան ՚ի նմանէ երկրածինք ամենայն: Ա. յԼ Անմահիդ մեռելութիւն համեմեաց և զգառնութիւն մահու: Յիսուս,

զօրացո զսիրտս սասանեալ. կար-
կառ զձեռն քո ամենահաս՝ մինչ
այլ յայլմէ լինիմ. խաչ քո ամենա-
հաս առաջնորդեսցէ ինձ ընդ ըս-
տուերս մահուն: Ի քեզ յուսա-
ցեալ եմ, Աստուած իմ Յիսուս,
մի սասանեցայց յաւիտեան:

Յանկամ ելանել զհետ քո, Տէր
իմ Յիսուս, 'ի ցաւալից կենաց աս-
տի և մտանել ընդ դուռն օթեմա-
նաց զոր պատրաստեցեր 'ի յաւի-
տենից, և բացեր տնօրէնութեամբ
քով: Գիտեմ զի անցք և եթ են ընդ-
երկիր՝ կեանքս այս հակիրճ. մի
թողուր ինձ վայրասպար վարանել
'ի սմին. այլ տուր յամենայն ժամ
պատրաստ կալ անդարձականդ
կոչման: Ենորհեա ինձ ահիւ և
զղջմամբ և սիրով՝ ակն ունել ան-
պատրուակ տեսութեան աստուա-
ծութեանդ սքանչելւոյ: Խոհեմա-

ցո զիս՝ յառաջ քան զօրհասս խո-
նարհել 'ի հող, մտանել 'ի քննու-
թիւնն անաչառդ ատենի • որպէս զի
զգաստու թեամբ կեցից զմնացուա-
ծըս աւուրց իմոց, և աներկմիտ
հաւատով հանդիպեցայց Հաստչիդ
իմոյ :

Իւր ծեալ բնութեանս նորոգիչ
յանեղծութիւն • յանձն առնում,
Տէր, այժմէն մինչդեռ կամս յուշի
և յազգոջ, զժամանակ և զօրինակ
մահու՝ զոր սահմանեալդ ես վասն
իմ : Հայր յաւիտենական, եղիցին
կամբ քո, որպէս 'ի կեանս և 'ի
մահուս : Աստարեացի և յիս ար-
դարութիւն քո անաչառ • բայց
միայն զօրացո զմիտս իմ զազփազ-
փունն և զսիրտս վեհերոտ • յաւել
ինձ հաւատս, զի խոկացից և կըր-
թեցայց 'ի վախճան յոր հանապազ
մերձենամ : Աենդանեաւ իմով մա-

տուցանեմք թեզ, տէր, զմահ իմ,
որպէս պատարագ յետին. օրհնեա
և ընկալ, և երկնեա զիս վերստին
'ի ծնունդ կենաց անմահից:

Փարատիչ փորձութեանց և փրկ
կիչ հոգւոց, Յիսուս. Յիսուս իմ
ամենայն յամենայնի. լեր ընդ իս
հանապազ, և կաց անմեկին 'ի պա
հու որ իցէ ինձ յետին. 'ի պաշա
րել վտանգաց, 'ի հասանել ան
դարձիցն, 'ի վերջնումս պատերազ
մի, 'ի ճիգն յետին հոգեմարտ դա
րանակալին, 'ի կուտել մթերել զի
նև խաւարի և մռայլի մտաց, յար
հաւիրս լուծման բնութեանս, 'ի
դեղևել նժարից ահի և յուսոյ՝
ընդ արդարութիւնքո և ընդ դը
թութիւն: Ա՛վ Տէր իմ Տէր, դու
որ 'ի մըրկի ետուր հետի ոտիւք
կոխել զկոհակս կուտակագէզ ծո
վուն, անցո և զիս անվտանգ ընդ


սպառնալիս ամենակուլ ալեացն,
 և հաստ յաներկեանդ նաւահան-
 դիստ, քան զմովսիսականն վերեր-
 գել յաւերժ փրկութիւն:


Քաւութիւն բանաւոր աշխար-
 հի, քահանայասլետ յառաջ քան
 զզոհ և զառիժ զոհի, ինքդ միայն
 պատարագ անարատ և արժանա-
 ւոր, յորում հանգուցեալ կայ ամ-
 մենայն յոյս եղականաց, Տէր Քրիս-
 տոս, քաւեա զյանցանս իմ և
 զանբաւութիւն պարտեացս՝ զոր
 չիցեմ հատուցեալ յուղւոջ կեն-
 ցաղոյս, և վասն որոյ արկայց ՚ի
 բանան հատուցման. յիշեա յայն-
 ժամ զայժմուս պաղատանս՝ կեն-
 դանեաւ կորացելոյս ՚ի վնհ գերեզ-
 մանի և յանդրագոյն ևս: Յօղ ամ-
 մենասրբիչ արեանդ և մաղթանք ե-
 կեղեցւոյ քո սրբոյ՝ ծաղեսցեն
 ինձ լոյս ՚ի մթանն մեծի, և ժամա-

նեցուսցեն զհոգի իմ՝ ի գիրկս քո
փարեչիս :

Օրհնութիւն քեզ, ամենասուրբ
Երրորդութիւն, յամենայն արա-
րածոց քոց և յինէն, ՚ի յերկրի և
՚ի յերկինս : Օրհնութիւն քեզ զա-
մենայն աւուրս կենաց իմոց, ՚ի
սլահու կատարածիս, և յամբա-
րել նշխարաց իմոց ՚ի քնարան տա-
պանին . օրհնութիւն քեզ ՚ի կեան-
սըն յաւիտենականս : Եւ երբ ի-
ցէ ինձ հասանել ՚ի կեանսն յայն .
երբ իցէ ինձ հասանել յիսկո իմ :
Երբ տեսից զքեզ զնկատողոք իմ՝ ի
սկզբանէ . երբ գտից զմիայն սիրե-
լիդ իմ, զմիայն լցուցիչ ըզձեց իմոց
և կարեաց, զմիայն բաւականդ ան-
յադուրդ սրտիս : . . . Ննչեա, փու-
թա, հաս ժամ երանելի . յոր
յուսադնեալ աներկմիա՝ խաղա-
ղութեամբ ննջեցից և հանդեայց

յերեկոյացեալ կենցաղումն, յա-
 րադ. արադ. զարթնուլ և առաւօ-
 տել յաներեկ և յանվախճան ար-
 քայութեան քում, Աստուած իմ,
 Աստուած իմ:





20K

